



DEO OPTIMO MAXIMO
UNI ET TRINO,
VIRGINI DEI-PARÆ, ET S. LUCE,

Orthodoxorum Medicorum Patrono.

QUÆSTIO MEDICA,
QUOD LIBETARIIS DISPUTATIONIBUS
*manè discutienda in Scholis Medicorum, die Jovis octavâ
mensis Januarii, anno Domini M. DCC. LXXVIII.*

M. JOANNE - BAPTISTA JUMELIN.

Doctore Medico Præfide.

An in Athritidis insultibus, Vena Sectiones repetita?

I.



N dubiis assensum sustinere, ratiocinium & experientiam consulere;
(1) opinionemque non plus æquo æstimare, & Sapientis & Medici
semper fuit. Hæc est in indagandâ veritate via tutior, & certi com-
parandi modus expeditissimus. Porro qui talibus auxiliis destitueretur
nunquàm profectò intelligeret quo pacto fiat quædam remedia theo-
ricæ & omni disciplinæ rationali adversantia, in usu felicissima deprehendi, dum

(1) Opinio enim tum præcipuè in Arte Medicâ crimini vertitur..... incipientiæ & nullius Artis
indiciu est. Hippocr. de decent. Habitu.

211
ē contrā quæ ad severiores Artis regulas accommodatiora, & vero propiora in medium attulerat operosa Medicorum prudentia, fallaci & irrita spe & ægrum & medicum deludere. In argumentum veniunt Arthritis & quæ adversus arthritidem tot frustra fuere remedia. Nullus enim datur morbus qui tot & tam diversis medicamentis fuerit impugnatus, ut insanabilem plures habuerint morbum Prothæiformem & omni medelâ exacerbandum. Nec ideo tamen omnis spes abjicienda, cum plurius experientia (2) comprobaverit arthritidem feliciter sanatam fuisse. Ad hoc autem consequendum, revocanda est experientia, & quod inquirentibus suppeditabit, subactio ratiocinio dijudicandum.

Arthritis vocatur morbus articulorum cum tumore plus minusve inflammatorio, sed ita sævo, ut partes circumjacentes ferro dolore dilententur. Diversa habuit nomina à diversis articulis, sed frita & obsolera. Ab authoribus divisa quoque fuit in recentem & inveteratam, regularem & anomalet, vagam & nodosam; hæreditariam & acquisitam, phlegmonodeam & pituitosam, calidam & frigidam, sed cum à variis effectibus hæ pendeant differentia, quæ sentiamus de hujusce morbi causâ, in frequenti paragrapho proferemus.

(2) Vid. Tract. M. Liger. William Cadogan. Prax. M. le Cantus.

I I.

LYMPHA omnium humorum copiosissimus in homine. Majorem constituit materiæ secretionum partem, nam in massæ sanguinis summâ, duas tertias partes circiter efficit. Tenuitas ejus in statu sanitatis ea est quæ ramificationes variorum minutissimas, quorum aditus globulosæ parti sanguinis occluditur subeat, mox in alveum circulationis refluxura. Mucilaginosa est, & si quiescat, sponte exsiccationis concretionisque capax, non alio jure nec aliis causis quam ovi albumen, cæteris proprietatibus lymphæ non abfimile. Lympha etenim & ovi albumen hoc habent commune, quod ambo sint mucilago animalis, ealem principia analysi chemicæ suppeditent, ambo concrecant solius caloris medio, absque ullâ evaporatione. Quoties itaque, vel propter perspirationem suppressam aut vitium opiparum, & cibos nimis succulentos, aut ex spirituosorum abusu, vel vitæ molliis supinâ desidia, auctior ditiorque fuerit quam par est, toties ingruet periculum morbi, ratione temperamentorum diversi. Si (1) fortis sit textura partium, cum impetu ad extremitates propellantur humores, vix ægrè propter pondus ad centrum revehendi; sin autem debilis, tunc ubique fient stases & congestiones.

(1) Fortissimis constitutionibus inhaeret Arthritis, William Cadogan, P. 11. Sydenham. Tract. de Arthritis.

In priori discrimine versantur quos manet Arthritis, in altero infantuli & mulieris: præcipuè verò si fluant catamenia, vacabit ab hoc periculo sexus foemineus, nisi si quæ validâ admodum & plethoricâ constitutione gaudeat. In infantulis autem incremento materiæ præstat hæc redundantia, crescent induranturque solida progressionem certâ, adeò ut ipse foetus ferè totus lymphaticus videatur (1). Ex contrariis, in quibus perenni exercitatione aut diuturnis laboribus assiduo tritu lymphæ attenuatur, ii nunquam arthritide laborant. In promptu exemplum sumitur ex Arthritico (2) quodam, qui post everfam fortunam, mutato vivendi modo, felici infortunio sanitatem debuit. Sed jam satis elucescit arthritidem à statu plethorico lymphæ spissioris pendere. Si Authores de ipsius causâ consulas, proh! quanta opinionum diversitas! ipse Sydenhamus candidè declaravit (3) naturam Arthritidis esse difficillimam & ferè impossibilem comprehensu; attamen alii signa concomitantia pro causâ sumere voluerunt, Arthritidemque à variis symptomatibus enasci excogitare; sed illorum argumenti satis patet levitas, nec malè illos contuleris cum auctore (4) quodam qui iudicabat mulierem quamdam famulumque ejus Podagricos evasisse, quòd tibialia crepidasque heri podagrici induissent. Cum hoc calceamento deambulavit æger, ergo propter hoc calceamentum arthriticus evasit. Proh! funestam ratiocinandi methodum! nam tali Paralogsimo nihil vulgarius, & multiplices exindè quotidie oboriuntur hallucinationes. Qui sic ratiocinantur, mira sanè vident, Arthritidem nempe syphiliticam, rheumaticam, scorbuticam, &c. &c. Sed hæc tenebriculæ ratiocinii face discussæ, non jam obducunt caliginem. Super est adhuc ut de necessitate Venæ sectionum dicamus.

(1) Vjd. Opera D. Wan-Swieten.

(2) Vid. Tract. M. Liger, p. 93.

(3) Sydenham. Tract. de Arthritid. versùs finem.

(4) Schmidt. Observ. 49, Annot. 9 Ephem. Germ.

I I I.

CAUSA proxima inflammationis est spissa humorum congeries; & ad hunc statum disponit abundantior lymphæ, ditiorque sanguis. Quando adest inflammatio, adest calor, dolor, tensio & rubor, si pro suâ parte concurrat pars rubra sanguinis. Tunc sanguis à venis detractus dum coagulatur, lympham ostendit concretescentem, subflavam, duriusculam, quæ vocatur *crusta inflammatoria*; talisque semper est arthriticorum sanguis. Quando in telâ cellulari adest inflammatio, destruntur adipis alveolæ, materiesque sic ampla suppurationi præbetur. Sed si in capsulis articularum ligamentisve situm habeat, hæc non destruntur,

sed diducuntur utrinque, & sic dolores cient acutissimos. Imò si remaneat ibi lymphæ à motu circulatorio hic appulsa, induratur, efformatque nodos & tophos articulorum. Ex suprà dictis intelligitur quid sit expectandum si in massa sanguinis exuberet humor lymphaticus. Quod quidem ut pateat, consideremus naturam partium quæ Arthritidis insultus furori sunt obnoxie. In articulis luditur tragedia. Scilicet hic adsunt cartilagines, ossa, tendines, ligamenta, capsulæ; hic exanguis substantia tota est, quia nimirum tota lymphatica, partes sanguinis rubras non admittit; hic adsunt majorum vasorum fluentia plenissima, hic sanguis in extremitatibus canalium valido impetu arietat; hic adsunt articulorum cavitates fluidi expellendi receptacula; quæ omnia si recolligantur jam patet nullibi fieri posse lymphæ supervacue trusionem, quàm ubi copiosè adest humor similis similem advocans, ubi desinit arteriosi fluminis imperus, ubi datur cavitas millenis irrigata lymphaticorum ostiolis. Depletur igitur in articulos inimicus imber, exundabit in tumorem, ex tumore vellicabuntur nervi, ex vellicatione fiet lymphæ influxus uberior, ex influxu calor, ex calore concresecet in nodos humor lymphaticus. Proxima igitur in eo consistit indicatio curatoria, ut minuatur humorum summa, ut facilius circulatio particulas obstructionis in massam reducat. Hæc inflammationum tumorumque terminatio vocata fuit resolutio, aliisque profectò est anteponenda. Venæ sectionum in hoc casu satis probata est necessitas; hoc, ut ita dicam, abiit in adagium. Sed stabilendum est tempus quo impensus hocce remedio indigeant arthritici. Duo itaque tempora in arthritide sunt distinguenda, nempe tempus insultuum, & tempus in quo humores, ante & post, ad paroxysmum disponuntur. Hoc tempus ultimum vocatur *dispositio ad morbum*, & status est omnibus morbis communis. Indiget adhuc æger curâ Prophylacticâ, quæ sine illâ *dispositione*, foret inutilis. Sed ad tempus insultuum arthritidis ubi sanguinis missionum opus est, redeundum.

I V.

INSULTUS Arthritidis ex causis suprà dictis, incipit (1) à dolore in articulo, qui crescit mox cum acerbissimo doloris sensu in totâ articulatione. Deindè dolor desinit, dum surgit tumor in articulo turgido nimis quàm ut novæ lymphæ pateat aditus sed tumefacto satis ut atonæ evadant fibræ, nec existat amplius contractio spasmodica dolorem procreans. In his rerum angustiis, sanguinem mittas iterùm atque iterùm, pro ut jusserit aut sinet ætas, temperamentum, &

(1) Vide Graphicam Descriptionem Arthritidis, ex Sydenhamo.

plethoræ gradus. Post celebratam Phlebotomiam, partem afflictam fore cataplasmatibus resolutivis, adhibeat potus diluens, & attenuans, sedatâque inflammatione, ex alto depluat lixivium alkalinum in partem afflictam. Sed nunc tempus insultus effluxit, curatioque tota evadit Prophylactica. Hujusce media suppeditant Alkalina & Septica, lympham & concretionem liquantia, ut videre est propter affinitatem arthritidis cum Calculo, in (1) tractatu Lithontripticorum. Quando propter contrâ indicationes adhiberi non possunt Venæ sectiones, sanguinis detractio in ipsâ parte (2), adhibitioque Hirudinum cum successu usurpari potest, ex inde que levamen non mediocre percipiet æger: (3) nec idcirco infirmatur nostra theoria. Frictiones siccæ (4) locales, Alkalinaque topica, tum sub saponis (5) formâ, tum aliter feliciter usurpabis. De symptomatibus insultus arthritidis concomitantibus nil dicam, sed secundum artem à medico sanentur, habitâ ratione contrâ indicantium.

Ut hæ conclusiones ex nostrâ theoriâ deductæ, non videantur inconsultæ & temerè adductæ, Practicantium (6) testimonia revocare, & Riverii ipsa verba referre juvat:

Omnis Arthritidis curatio in eo consistit ut humoris ad articulos influxus inhibeatur, qui jam influxit & articulis inhæret submoveatur . . . ac primum sanguinis detractio erit Convenientissima . . . est autem sanguis detrahendus statim ab ipso morbi initio . . . ITERATIS VICIBUS donec plenitudini sit satis factum. Hoc præ oculis semper habendum est copiosam sanguinis detractionem in iis qui illam facile ferre possunt morbum maximè abbreviare si statim ab initio celebretur aut saltem partitis vicibus.

Magni fatis momenti videtur adhuc, qualdam objectiones refellere.

(1) Vid. Interpretationem Gallicam Angli Doct. Blakie, de Lithontripticis à MM. Bourru & Guilbert.

(2) D. Lazerme Tusâ Venâ pedis affecti &c. Sauvages Class. morb. de Arthritid.

(3) Vid. Zacut. Lusit. Corl. Aurel. Arctæum. Tract. Paulmier Andegav.

(4) William Cadogan, p. 131.

(5) Vid. Thef. an Arthritidi sapo. M. Liger.

(6) Vid. William Cadogan, Paulmier, le Camus, & alios multos.

V.

OBJICIUNT adversarii non aliud expectandum à Venæ sectionibus, nisi ut immineatur plethora; neutiquam verò ab evacuatione sanguinis extirpari virus arthriticum. Animadvertant igitur qui talia oggerunt, non ideò nos

Phlebotomiam suadere ut ægrotantis res in integrum restituatur, verum eam à nobis eâ mente celebrari ut leniatur insultus ferocia, levamenque dirissimis cruciatibus afferatur eo remedii genere, quòd in inflammatorio dolore præsentissimum sit auxilium, viamque expeditiorem sternat medelæ post mansuefactam Paroxyfmi atrocitatem. *Dispositio ad morbum*, & insultus sanè differunt à *viru* quod vocatur *venenum in corpore congenitum*. *Virus* illud arthriticum merè imaginarium est, & malè feriat ingenii partus subventaneus. Cum *corruptione bilis & pituitæ* Hippocratis, *fluxione partium* Galeni, *synoviæ acrimoniâ* Paracelsi, *aciditate feminis* Helmontii, *acido vitriolico vegetabili* Sennerti, *pituitâ* Fernelii, *acrimoniâ partes nervosas delicates vellicante* Boerhavii, prorsus relegandum.

At, inquiunt, datur *virus arthriticum*, si 1^o. à parentibus in prolem transeat arthritis, 2^o. si retro pulsâ materiâ, fiat periculi plenus in viscera decubitus. Ad hæc sic respondemus, parùm intrâ limites quæstionis constare, qui sic obstreperunt, cum agatur de insultibus arthritidis mitigandis; non verò de ipsâ Arthritide planius intuendâ, quod ad Prophylaxim attinet. Verùm ut nihil dissimulemus quod eontrâ propositum nostrum videatur pugnare, simulque diluamus errores in praxin ex præjudicato principio manantes, accipiant quam vana sit & fallax *virus arthritici* theoria iisque sequuntur accuratè perpenfis. 1^o. Hæreditarius quandoque morbus est arthritis non quòd à parentibus in prolem transeat labes arthritica, sed ex eo quòd ferè simili constitutione gaudeant & qui ortum dedere, & qui natalia ducunt (1). Non mirum itaque quod ex vitæ communione, & ex eodem victus genere, similes oriantur causæ similes parientes effectus. Et jam in testimonium revocari possunt recentiores (2) qui hæreditariæ arthritidi fidem prorsus negavere. 2^o. Ab artubus non rarò ad interiora fertur, præcipuè ob intempestivam topicorum applicationem ea lymphæ pars, quam exuberantem & *febre lymphaticâ* latenter & diuturnè coctam, insaufæ crisis materiam & noxæ deditam, foràs amolitur naturæ conatus. Numquid eam ob exitialem recessum, virus nomine audebunt infamare? Sed animadvertant se ad has angustias esse redactos, ut omnem materiam metastaticam, uno verbo criticam quamlibet eadem aspergant infamiae labæ. Sic annumerabunt *virus pleuriticum*, *apoplecticum*, *quartanarium*, &c. quod sanè repugnat. Sed ut quæstioni clausulam tandem imponamus, sic habeant adumbratam arthritidis imaginem, ut, quoad nomen, sit artuum inflammatio quomodo sibi vult ea vox Arthritis, à voce græcâ Ἀρθρον, ut Gastritis, Hepatitis, hepatis

(1) Fortes creantur fortibus....

.... Neque imbellem feroces

Progeniant Aquilæ Columbæ. *Horat. Od. 4^a lib. 4.*

(2) William Cadogan. p. 12. Ponfart. p. 30.

& ventriculi statum inflammatorium designant; quoad rem à *Plethoricâ inflammatoriâ* lymphæ Crasi pendeat; potissimum aggrediatur quos victus opiparus, succulentior corporis habitus, ditior quàm par est boni succi & spirituum copia, miserè tandem plestunt desidæ, gulæ; uno verbo, vegetioris ultrà modum sanitatis abusus pœnas luituros. In hoc rerum discrimine, accenditur febris, surdis doloribus tentantur extremitates, coctionem sibi propriam subit humor lymphaticus; subactus truditur intrà cavitates articulorum, ex causis suprâ memoratis: fit inflammatio stipata dolore, tumore, & artuum distorsione; funestam crismis molitur natura per indurationem, vix ægrè resolvendam. Quid præstantius adversus ingruentis paroxysmi ferociam dabitur auxilium, quam si detrahatur abundanter sanguis, & æger jam quietis compos curationi post paroxysmum felicius & facilius absolvendæ tradatur? Quæ cum jam extrâ omnem controversiæ aleam posita sint, concludere proum est.

Ergo in Arthritidis insulubus, Venæ Sectiões repetitæ.

DOMINI DOCTORES DISPUTATURI.

M. Joannes-Armandus ROUS-
SIN DE MONTABOURG.

M. Guillimus FUMÉE.

M. Petrus - Ludovicus - Maria
MALOET, Galliarum Prin-
cipum, Medicus primarius,
& Regiâ Societate Medicâ
Parisiensi, pro Epidemiis ins-
titutâ.

M. Natalis Nicolaus MALLET. *M. Marinus - Jacobus - Clarus*
ROBERT. S. Ducis Bipontini,
dum viveret, Archiater, nec
non à Consiliis & secretis.

M. Carolus GEILLE DE SAINT
LEGER, Eques, Consiliarius
Medicus Regis ordinarius;
primi Ordinis, & totius
Equestris Agminis in Exercitio
Medicus primarius.

M. Franciscus - Ludovicus
THOMAS D'ENGLÉE.

M. Maximilianus - Josephus
LEYS.

M. Antonius GARNIER.

Proponerebat Parisiis LUDOVICUS-CAROLUS HALLOT, Lingonenfis, Saluæ
berrimæ Facultatis Parisiensis Baccalaureus Medicus, Thæseos
Author. A. R. S. H. 1778.

A SEXTA AD MERIDIEM.

Typis QUILLAV, Universitatis & Facultatis Medicinæ Typographi, 1778.